



Broj: 13-11-4-8199/23
Sarajevo, 30.11.2023. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku usluge „Nabavka i instaliranje pumpnih sistema na hidrantskim mrežama u zgradama spratnosti iznad V sprata“, po provedenom otvorenom postupku javne nabavke izabran je slijedeći ponuđač:

ETAL BH d.o.o. Sarajevo
sa ukupnom cijenom od 49.959,00 KM (slovima: četrdesetdevet hiljadadevetstotinapadesetdevet i 00/100 konvertibilnih maraka) sa uračunatim PDV-om.

II

Za izvršenje ove Odluke zadužuje se Služba za civilnu zaštitu.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-8199/23 od 23.10.2023. godine.

Procijenjena vrijednost javne nabavke sa PDV-om je: 50.000,00 KM (slovima: pedeset hiljada i 00/100 konvertibilnih maraka).

Obavještenje o javnoj nabavci broj: 935-1-1-215-3-272/23 od 02.11.2023. godine u 12:20 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Rješenjem Općinskog načelnika o imenovanju Komisije za javne nabavke roba, radova i usluga broj: 01-30-5-8227/23 od 17.10.2023. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 22.11.2023. godine, pristigle ponude slijedećih ponuđača:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

Redn i broj	Naziv i sjedište ponuđača	Ukupna ponuđena cijena sa PDV-om	Ponuđeni popust
1.	INTER-METAL d.o.o. Banja Luka	49.959,00 KM	0%
2.	ETAL BH d.o.o. Sarajevo	49.959,00 KM	0%

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da je Komisija za javne nabavke roba, radova i usluga nakon pregleda i ocjene prispjelih ponuda, konstatovala slijedeće:

a) Prihvatljiva ponuda

Ponuda ponuđača ETAL BH d.o.o. Sarajevo je prihvatljiva jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

b) Neprihvatljiva ponuda

Ponuda ponuđača INTER-METAL d.o.o. Banja Luka, je nepotpuna, te se ponuda odbacuje shodno članu 68. stav (4) tačka i), iz sljedećih razloga:

- Ugovorni organ je u tenderskoj dokumenaciji – Aneks 3 - Obrazac za cijenu ponude (stranice br. 19-22) zahtijevao određene tehničke karakteristike. Ponuđač je u sklopu ponude dostavio tehničke listove (stranice br. 23-29) iz kojih je vidljivo da ponuđena roba ne odgovara tehničkim karakteristikama traženih u tenderskoj dokumentaciji, odnosno iz pomenutih tehničkih listova nije vidljivo, da ponuđene pumpe zadovoljavaju kriterije tražene u opisu Obrasca za cijenu ponude, i to za klasu ekifasnosti motora, klasu efikasnosti sklopa, koji uopće nisu navedeni.

Također nazivna snaga motora, za svaku ponuđenu pumpu premašuje maksimalno zadati kriterij i to:

- za ulicu Marka Marulića tražena maksimalna snaga motora P = 2.2 kW – ponuđena pumpa P = 4 kW;
- za ulicu Envera Šehovića 21-23 tražena maksimalna snaga motora P = 1.5 kW – ponuđena pumpa P = 2.2 kW;
- za ulicu Paromlinska 30-32, vertikalna za br.30 tražena maksimalna snaga motora P = 1.5 kW – ponuđena pumpa P = 2.2 kW;
- za ulicu Paromlinska 30-32, vertikalna za br.32 tražena maksimalna snaga motora P = 1.5 kW – ponuđena pumpa P = 2.2 kW;
- za ulicu Hamdije Čemerlića 19-27 tražena maksimalna snaga motora P = 1.5 kW – ponuđena pumpa P = 2.2 kW;
- za ulicu Džemala Bijedića 117-121 tražena maksimalna snaga motora P = 1.1 kW – ponuđena pumpa P = 2.2 kW;
- za ulicu Paromlinska 53G tražena maksimalna snaga motora P = 1.1 kW – ponuđena pumpa P = 2.2 kW.

Iz naprijed navedenog, ponuda ponuđača INTER-METAL d.o.o. Banja Luka se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Redni br. na rang listi	Naziv/ime ponuđača	Ukupna ponudena cijena sa PDV-om
1.	ETAL BH d.o.o. Sarajevo	49.959,00 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ETAL BH d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu od 49.959,00 KM (slovima: četrdesetdevehtiljadadevetstotinašesetdesetdevet i 00/100 konvertibilnihmaraka) sa uračunatim PDV-om, te da se ponuđaču ETAL BH d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.


Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVITI:

1. ETAL BH d.o.o. Sarajevo
2. INTER-METAL d.o.o. Banja Luka
3. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



